

ՔԱՂՎԱԾՔ

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2021 թվականի հունիսի 24-ի, ժամը 12:00-ի նիստի
N 12 արձանագրությունից

ԼՍԵՑԻՆ.-

Տնտեսամաթեմատիկական մեթոդների ամբիոնի ասիստենտ, տնտեսագիտության թեկնածու **Անահիտ Վանիկի Մկրտչյանի «Դիսկրետ մաթեմատիկա (տնտեսագետների համար)»** ուսումնական ձեռնարկի հրատարակությունը երաշխավորելու մասին հարցը:

Զեկուցող՝ գիտության գծով պրոռեկտոր, տնտեսագիտության դոկտոր, դոցենտ **Թ.Մ.Մկրտչյան:**

Զեկուցողը նշեց. «Դիսկրետ մաթեմատիկական» մաթեմատիկայի բաժին է, որն ուսումնասիրում է դիսկրետ բնույթ ունեցող կառուցվածքների հատկությունները, դրանց հետ կապված քանակական մեծությունները: Այն լայնորեն կիրառվում է գիտության տարբեր ոլորտներում, այդ թվում նաև տնտեսագիտության մեջ: Ներկայացված ուսումնական ձեռնարկում հեղինակը պարզաբանում է դիսկրետ մաթեմատիկայի այնպիսի սկզբունքներ, կանոններ, բանաձևեր և գործնական խնդիրներ, որոնք անմիջականորեն են կապված տնտեսագիտության մեջ կիրառվող մաթեմատիկական մեթոդների ու խնդիրների հետ և ընդհանրապես տնտեսագիտության՝ որպես գիտության առանձին ճյուղի հետ: Հեղինակը ներկայացրել է նաև այնպիսի սկզբունքներ և խնդիրներ, որոնք միջնորդավորված են կապված տնտեսագիտության հետ, սակայն խիստ օգտակար են ապագա տնտեսագետների տրամաբանության զարգացման և տնտեսագիտության մեջ մաթեմատիկական մեթոդների կիրառման հմտություններ ձեռք բերելու համար: Ուսումնական ձեռնարկի վերաբերյալ ստացվել է 2 (երկու) դրական կարծիք:

1) Ա.Վ.Եգանյան՝ Խ.Աբովյանի անվան պետական մանկավարժական համալսարանի մաթեմատիկայի, ֆիզիկայի և ինֆորմատիկայի ֆակուլտետի դասախոս, ֆիզիկամաթեմատիկական գիտությունների թեկնածու, դոցենտ:

2) Ալիսա Միրումյան՝ «Տեսնում եմ» ՍՊԸ տնօրեն, ֆիզիկամաթեմատիկական գիտությունների թեկնածու:

Բոլոր կարծիքներում նշվում է, որ ներկայացված ուսումնական ձեռնարկը շարադրված է մատչելի լեզվով, այն հագեցած չէ բարդ մաթեմատիկական դուրսբերումներով, ինչը հատուկ է դիսկրետ մաթեմատիկայի մյուս դասագրքերին, այլ տեսությունը բացատրված է պարզ օրինակներով՝ միևնույն ժամանակ քննարկելով դիսկրետ մաթեմատիկայի

օրինակներով՝ միևնույն ժամանակ քննարկելով դիսկրետ մաթեմատիկայի առանցքային բաժիններ: Այն նախատեսված է բարձրագույն տնտեսագիտական ուսումնական հաստատությունների բակալավրի ուսանողների, մագիստրանտների, ասպիրանտների, ինչպես նաև դիսկրետ մաթեմատիկայով հետաքրքրվող անձանց համար:

ՈՐՈՇԵՑԻՆ.- Հիմք ընդունելով գրախոսների դրական կարծիքները, տնտեսամաթեմատիկական մեթոդների ամբիոնի, ինֆորմատիկայի և վիճակագրության ֆակուլտետի խորհրդի և գիտական խորհրդին կից հրատարակչական հանձնաժողովի նիստերի որոշումները՝ տնտեսամաթեմատիկական մեթոդների ամբիոնի ասիստենտ, տնտեսագիտության թեկնածու **Անահիտ Վանիկի Մկրտչյանի «Դիսկրետ մաթեմատիկա (տնտեսագետների համար)»** ուսումնական ձեռնարկը երաշխավորել հրատարակության (որոշումն ընդունվեց բաց քվեարկությամբ, միաձայն՝ կողմ՝ 58, դեմ՝ 0, ձեռնպահ՝ 0):

Գիտական խորհրդի նախագահ՝

Դ. Ռ. Գալոյան

Գիտական խորհրդի քարտուղար՝

Ն. Տ. Դարբինյան

2021 թ. հունիսի 24

Երևան



ՔԱՂՎԱԾՔ

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2021 թվականի հունիսի 24-ի, ժամը 12:00-ի նիստի
N 12 արձանագրությունից

ԼՍԵՑԻՆ.-

Լեզուների ամբիոնի դոցենտ, մանկավարժական գիտությունների թեկնածու **Ռուզաննա Ռուբենի Սարգսյանի** և նույն ամբիոնի դոցենտ, մանկավարժական գիտությունների թեկնածու **Ալլա Եփրեմի Մկրտչյանի** «Русский язык для студентов экономического профиля: учебное пособие» ուսումնական ձեռնարկի հրատարակությունը երաշխավորելու մասին հարցը:

Ձեկուցող՝ գիտության գծով պրոռեկտոր, տնտեսագիտության դոկտոր, դոցենտ **Թ.Մ.Մկրտչյան:**

Ձեկուցողը նշեց. ներկայացված ուսումնական ձեռնարկը նախատեսված է ՀՀ բուհերի բակալավրիատում սովորող տնտեսագետ ուսանողների համար: Այն մեկ տարի հաջողությամբ անցել է փորձաշրջան, կազմված է բակալավրիատի ռուսաց լեզվի դասընթացի ծրագրին համապատասխան: Ձեռնարկը Moodle հեռավար ուսուցման հարթակում մշակված «Ռուսաց լեզու» էլեկտրոնային դասընթացի բաղկացուցիչ մասն է, որի հիմնական նպատակն է ստեղծել անհրաժեշտ լեզվական բազա, ուսանողների մոտ ձևավորել խոսքի հմտություններ և կարողություններ ռուսերենով մասնագիտական գործունեություն իրականացնելու համար: Ձեռնարկում ներկայացված են խոսքի գործունեության ընկալունակ և արդյունավետ տեսակների զարգացման վրա հիմնված առաջադրանքներ, որոնք նպատակ ունեն զարգացնելու ուսանողների գրավոր և բանավոր խոսքը, կատարելագործելու լեզվական հմտությունները: Հատուկ շեշտ է դրվում խոսքի գործունեության բոլոր չորս տեսակների զարգացման վրա (ընթերցանություն, խոսակցություն, ունկնդրում, գիր): Ուսումնական ձեռնարկը բաղկացած է 22 թեմայից: Հատկապես հետաքրքիր են «Это интересно знать» խորագիրը, դասերի թեմաներին վերաբերող թարգմանությունները, ինֆոգրաֆիկաները որպես տեղեկատվական աղբյուր, թեմաների արդիականությունը և այլն: Ուսումնական ձեռնարկի վերաբերյալ ստացվել է 2 (երկու) դրական կարծիք:

1) Էրիկա Ռոմիկի Ավակովա՝ Երևանի Վալերի Բրյուսովի անվան պետական լեզվա-հասարակագիտական համալսարանի ռուսաց և սլավոնական լեզուների ամբիոնի դոցենտ, մանկավարժական գիտությունների թեկնածու, դոցենտ:

ՔԱՂՎԱԾՔ

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2021 թվականի հունիսի 24-ի, ժամը 12:00-ի նիստի
N 12 արձանագրությունից**

ԼՍԵՑԻՆ.-

Լեզուների ամբիոնի դասախոս **Քրիստինա Մելսի Թորգոմյանի «English for IT Students»** ուսումնական ձեռնարկի հրատարակությունը երաշխավորելու մասին հարցը:

Ձեկուցող՝ գիտության գծով պրոռեկտոր, տնտեսագիտության դոկտոր, դոցենտ **Թ.Մ.Մկրտչյան:**

Ձեկուցողը նշեց. ներկայացված ուսումնական ձեռնարկը նախատեսված է «Տեղեկատվական տեխնոլոգիաները բիզնեսում» մասնագիտության ուսանողների, ինչպես նաև գործարարության ոլորտի այն մասնագետների համար, որոնք հատկապես հետաքրքրված են տեղեկատվական տեխնոլոգիաների կիրառմամբ գործարարության, մարքեթինգի, կառավարման, նախագծերի կառավարման, հաշվապահական հաշվառման և ֆինանսների ոլորտներում: Ուսումնական ձեռնարկը միտված է զարգացնելու ուսանողների անգլերենով կարդալու, խոսելու, քննարկելու և գրելու հմտությունները: Այն ունի նաև տեղեկատվական բնույթ, քանի որ ծանոթացնում է ուսանողներին գործարար ոլորտին վերաբերող կարևորագույն թեմաներին ու հիմնախնդիրներին: Ձեռնարկը բաղկացած է 12 թեմայից, որոնք վերաբերում են գործարար աշխարհի տարբեր ոլորտներում տեղեկատվական տեխնոլոգիաների կիրառմանը: Այն ընդգրկում է ընդհանուր և մասնագիտական բառապաշարը զարգացնող և հարստացնող վարժություններ, ստեղծագործական հմտությունները զարգացնող էսսեներ: Յուրաքանչյուր թեմա ներառում է ընթերցած նյութի ընկալումը զարգացնելու, վերլուծելու և դրա շուրջ բանավիճելու հմտությունը: Ուսումնական ձեռնարկի վերաբերյալ ստացվել է 2 (երկու) դրական կարծիք.

1) Քրիստինա Վարազդատի Մկրտչյան՝ Երևանի պետական համալսարանի եվրոպական լեզուների և հաղորդակցության ֆակուլտետի անգլերենի թիվ 1 ամբիոնի դոցենտ, բանասիրական գիտությունների թեկնածու, դոցենտ:

2) Քրիստինե Մուրադի Հարությունյան՝ Երևանի պետական համալսարանի եվրոպական լեզուների և հաղորդակցության ֆակուլտետի անգլիական բանասիրության ամբիոնի դոցենտ, բանասիրական գիտությունների թեկնածու, դոցենտ:

Բոլոր կարծիքներում նշվում է, որ ներկայացված ուսումնական ձեռնարկը շարադրված է մատչելի ձևով, ներառում է այն հիմնադրույթները, որոնք ուսումնասիրվում են տնտեսագիտության ոլորտի մասնագիտացման շրջանակներում: Ձեռնարկում ներկայացված ու մեկնաբանված նյութերը համապատասխանում են տնտեսագիտության ոլորտին առնչվող մասնագիտություններին: Այն իր ուրույն տեղը կարող է զբաղեցնել թվային միջավայրում աշխատող տնտեսագետների և գործարարների համար, ինչպես նաև արդյունավետորեն կիրառվել գործարար անգլերեն ուսումնասիրողների համար:

ՈՐՈՇԵՑԻՆ.- Հիմք ընդունելով գրախոսների դրական կարծիքները, լեզուների ամբիոնի, կառավարման ֆակուլտետի խորհրդի և գիտական խորհրդին կից հրատարակչական հանձնաժողովի նիստերի որոշումները՝ լեզուների ամբիոնի դասախոս **Քրիստինա Մելի Թորգոմյանի «English for IT Students»** ուսումնական ձեռնարկը երաշխավորել հրատարակության (որոշումն ընդունվեց բաց քվեարկությամբ, միաձայն՝ կողմ՝ 58, դեմ՝ 0, ձեռնպահ՝ 0):

Գիտական խորհրդի նախագահ՝

Ռ. Ռ. Գալոյան

Գիտական խորհրդի քարտուղար՝

Ա. Ա. Դարբինյան



2021 թ. հունիսի 24
Երևան